

OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No.24

DESEMBA

1966

I L E N I M U T A L E

Nyanyukwa, uusiku mbuka
owo mbu uuyapuki,
sho kwe ya muuyuni muka
Jesus ngu, Omukulili.

Ileni mu tale nguka!
Moshigunda e li mo.
Ongohepele e ya huka,
nando omuyamba ku li po.
Il' u mu kunde mpa metemba.
Il' u mu pe esimano!

Natse wo uusiku mbuka
lago twe li etelwa,
Jesus sho a thiki huka,
molwetu a dhipagwa.
Ileni mu tale nguka....

Tse tu na uuyamba shili.
Mbu kau shi kuyelekwa:
Molwa Jesus tu nombili.
ye a pwa kupandulwa!
Ileni mu tale nguka....

Mel. Sacred Songs and Solos 92.



ONYE OMWA DALELWA OMUXUPIFI

Luk.2:15b.



Desemba 1966

OMUKUMO MOMAFININIKO

Mefimbo lomatewatewo molwe-tavelo, oo a hanga luhapu ovayuda novaitaveli vonale. embo laDaniel ole va twa alushe omukumo. Nomefimbo lonena, olo li na oikala yafa yononale, embo laDaniel otali yandje naana omukumo. Li lesa nawa alishe.

Membo laDaniel omwa hokololwa, omupangeli Nebukadnesar a kwata ovamati ngashi Daniel nookaume kaye. Okwe va pangulifa mombelewa yaye yeemhangu. Ovamati ava vatatu ova dama eitavelo lavo moshilonga sha Jehova Kalunga kavo, nande ova li momafininiko manene. Ovanhu vahapu pefimbo lomatewatewo ova dipawa nokuli. Lesa vali embo "Omapienda a Kristus" nde to mono omukumo.

Ookaume kaDaniel ova anya okufimaneka oikalunga, onghe ova ekelwa mediko lahanya. Moupyu nouyahame munene womundilo Kalunga okwe va tumina mo omwengeli nde te va amene, inava pya nande. Okwa tiwa: Kape na nande oxwiki imwe yokomitwe davo ya pya. Osho ovalinekelo vOmwene tava amenwa nonena. Kalunga ota kala engholohote ya dingilila ovanhu vaye, eudaneko eli okwe li koleka eshi a tumina ovanhu vaye Jesus Kristus.

OKRISMESA OYA KESHE UMWE

Edalo laKristus itali tongola nande. Okrismesa oyeehamba, omalenga, ovanafaalama, ovanafikola, ovalongi, eendudu, ovapaani, ngaashi ovakriste.

Kristus mOkrismesa ota teelee a tambulwe yo keengholwe, keemhote, kovakondwa, kovakulupe, kovapofi, noingudu, kovanaudu, nokovandjangele. Okwa hala naave ou to nyika nawa ile ohepele osho nosho. Avesheveshe Kristus a hala a ningine meemwenyo davo. Ino pata omwenyo woye, nge ta konghola po.



Aayengeli yomegulu oyi imbi: Esi-mano lyaKalunga mokombandambanda.

Okrismesa nai ninge okulombo kwehafo kwakeshe umwe. Vamwe ohava ti kutya, Okrismesa oyounona, ndelene oyovanyasha novakulunhu yo.

Mefimbo eli ovaneumbo ohava ongala pamwe. Haku yandjwa omaano osho nosho. Ndelene Okrismesa ohatu i dimbuluka, osheshi omo tamu hololwa Kalunga eshi e uya mounyuni mOmona Jesus Kristus, okanona muBetlehem.

Ovafita novanongo veenyofi ovo vamwe va fimaneka nde va twila o-

hamba ei eengolo. Vamwe vanini ove i shiiva kutya, oye ta ka kula meendunge, moukulunhu nomonghenda puKalunga nopovanhu. Vamwe inave shi koneka. Vamwe va twila ohamba ei ondubo.

Ndelene efiku eli lOkrismesa, tu yeni mongudu yovafita noyovanongo veenyofi, yovalongwa noyovaengeli, tu fimanekeni Kristus. Tu mu twileni eengolo osheshi oye Kristus Omwene.

OSHOONGALELE SHO VANAMAUMBO

Meti-20.11.66 poshivelo shongerki yomEngela opa fikamene omikweyo. Omikweyo oda li da fewa dovanhu tava hambelele Kalunga. Ovo ovalumenhu

novakulukadi vongudu yovanamaumbo, hava ongala efiku limwe moshivike keshe. Mefiku la tumbulwa ova li nexulifo loshoongalele shavo omudo ou.

Mongerki poaltari ongudu oya kundwa kongudu yovakulukadi vamwe neimbilo: "Mwe ya ne yakwetu tse twa nyanyukwa." Omwewangeliste Paulus Hamukuaja, okwa pandula ovanangudu, eshi va diinina nawa okuholoka moshooongalele shavo.

Momahokololo avo mwa didilika enenediladilo eli: Efundja ola dilila kOndonga yaNangolo. Ffundja ola yandjela oilongo omashale, kokutya evangeli le lihanena oshilongo. Ova imba omaimbilo nde va hokolola. Ova tungwa meenghedi dihapu koshooongalele shavo nde va fya oupenda oku shi twikila omudo tau uya. Nanye meongalo leni ningeni yo oshooongalele shovanamaumbo.

Ponhele yongudu
Ev. P. Hamukuaja.



Ouyeleele okuminikila ava ve li momulaulu netumbalo lovanhu vaye ovaIsrael.

ONGOYE OMUMWANDJE

Eps. 2: 1-8.

Kalunga okwe tu sheya naanale mUukwaaluhe mOmwana Omukulili gwetu. Oye oshiholekwa shelago lyomuKalunga, a valwa manga omathimbo inaaga tameka.

Meuthohenda IyaKalunga mUukwaaluhe Kalunga a tokola a hogolole ongunduntu noku yi kulilitha ombinzi yOnzigona. Kalunga mwene a nyanyukwa nokutanga Omukwaniilwa gwetu "Ongoye omumwandje." Ehempululo lyomUunaanale mUukwaaluhe olya kola notali kala ndongo aluhe. Enyanyu IyaKrisimesa oli li wo momwenyo gwaKalunga, ihe oli li mOmwana ngoka a hempululwa kuHe- "Onena ndjika nde ku vala."

Okwa pewa apagani, uuna a valwa notaa kala Ye sigololoosigo. Tu nyanyukweni otse oyaKristus. Tu etheni uulunde tu dhaneni oshituthi nomwenyo omuyelele.

Pulakena! Iyaa! "Ongoye Omumwandje"

Olyo ewi IyaKalunga ndyo.

I Kalunga a popi nale
KOMuwan omuholike:
Omumwandje gwomuunale
Wa za mUukwaaluhe,
Indila ndj' aapagani
Notandi ye ku pe
Uuthiga aapagani
Ya ninge ye ku fe.

Jason Amakutua



Okanona oka langekwa metemba lyokulila iimuna molwandje nomolwoye. Okwa fa omufupi, ihe oye Omukwaniilwa.

OMWENYO, HAMBELELA OMWENE

Inandi hala ndi dimbwe etumbulo eli: Omwenyo wange, hambelela Omwene.

Mefiku eti- 7.11.66 onda ya moshihakulilo shovalaula muWalvis Bay. Ndokotola okwa ti ohandi tandwa. Onde lipula nashinya nashinya. Efiku lashikula onda tandwa nokuli.

Eshi nda kala mombete, ookaume vahapu ova talela nge po. Ondi shi shi ova indilila nge yo. Inandi kala moshihakulilo efimbo lile, paife onda veluka.

Kovaleshi aveshe ohandi ti: Inatu efa okwiindililafana. Eilikaneno oli dule nokuli etalele po longaho. Tu indilileni ovanaudu, osheshi moihakulilo oye li mo tava hepekwa komaudu. Ohandi mu halele Okrisimesa nOmudo Mupe muwa.

Onesmus Kamati,
Walvis Bay.

OKRISMESA OSHIKE ANO?

Omunenentu gumwe okwa pula ngaaka pamahokololo gonale. Okwa tseye, ngele Okrisimesa ya thiki, aakulukadhi ye noyana ohaa matukile kongerki, taye mu thigi awike megumbo. Esiku ndyoka iilonga yomegumbo itayi longwa nawa, oshoka aantu oye noshimpywiyu shOkrisimesa. Oye ina tseye nando sha mondunge yOkrisimesa.

Esiku lyOkrisimesa yimwe okwa landula aantu kongerki. Okwa hiti mo nokwa kala ta lengalenga. Iihwa nookindeli noolamba nelyatathano lyaantu mongerki ke li uvite ko. Iinima mbika a li a tegelela e yi adhe ko, hayo a mono. Okwa li e shi pamwe ota lilwa oondja manga e li megumbo. Omauvitho noondjumbo oku wete eku dhilo nemanepo lyethimbo. Okwa ta-

meke okukudhila mongerki. Sho omuuvithi ngoka a li omushiinda gwe a londo koshuuvithilo, nguka okwa memeha ta ti: "I, ooKakololo oyo taa thikama mokati kaantu, ota popi nee shike?"

Okwa lengalenga lwopehulilo a thikama eta pula: "Ano Okrisimesa oshike? Nani ohamu fundju aantu naana?" Ke uvite ko sha. Oku li momilema. Oye omuposi ta pumbwa okutonathwa.

Oyendjiyendji haa kala mongerki yesiku lyOkrisimesa ya tya ngaaka. Sho ye li momagumbo kaa uvite ko sha. Mondjila yokuya kongerki kaye uvite ko sha. Oya tegelela shilwe shaa shi Okrisimesa. Oondunge nomatsi oga tala kulwe. Oshaalwata shaKrisimesa Jesus Kristus metemba lyokulila iimuna taye mu taaguluka, ihe oye tuulela Okrisimesa. Nge tatu mu kongo noomwenyo dhe mu yuulukwa, otatu ke mu mona mo metemba.



Onyothi yokegulu nale, ya wilike aakoneki. Ombo ya zi kuuzilo paale, ye ya ya kongo, Omukulili Yo ye ya oku mu pandula, molwetu sho kwa yile mpa.

FYE OTWA MONA ONYOFI YAYE MOUSHILO

Mat. 2:2.

Keshe umwe wetu ongaashi naana ovanongo veenyofi vonale, okwa mono onyofi oyo keulu. Ndele otwe i shikula yo ngaashi ovanongo. Ndele ne onyofi oyo twa shikula oi na omalupe mahapu. Inai fimana nde hayo nambawanu. Eenyofi dimwe da tya ngaha odo oimaliwa, oufukulume nolwi-

sho ile omahafo oonyuni ou, oo tae tu tukaula nohole yaKalunga.

Mefimbo eli leuyo laKristus, onawa hatu yelula eemhepo detu kombada. Otwa longekida tuu Omwene a ye momitima detu? Okwa hala ekako alishe li dje mo fimbo ine uya mo. Eulu nedu otali xulu po, Kristus owofiyololo nde oye eteelelo letu.

OKULILA KWOKANONA

Meme Rakel Kalunduka, Kongo, ota lombwele ova dalakadi ngaha: Shiiveni okanona koye. Ngenge taka nyenyeta, dimbuluka oshike ka hala. Enyenyeto nelilo olo eindilo lokana. Ndi shi kake shi kupopya manga? Kalunga a tula elilo mokaana, opo ke ku dimbulukife kutya oka pumbwa sha. Fiku limwe ota ka lili komakamba, ndele ope na omayooloko. Ina ta yoolola onaini taka lili komakamba, onaini ka pumbwa ekwafo. Vamwe hava efa onunona va lile nde ina tala ko nande. Oikulya iwa yomaludi elili nae lili oyo tai pumbiwa! kokaana opo ka ondoke nawa.

JESUS OYE OMUWA GWOKRISMESA NOYONUUMVO WO

Josef naMaria inaa mona ehala mongulu yaayenda, onkee Maria okwa langeke okanona Jesus metemba lyokulila iimuna. Iihuna shili Omuwa gwOkrismesa a lala metemba lyokulila iimuna ongomutyakala.

Osho otashi kumitha pakudhila dhila noondunge dhopantu nodha nika uukwavi, oshoka osha nika embanzu Omuwa ta valelwa pehale nomoshigunda nookuli, noohepele ohaa valelwa momagumbo mondunda, ano hapuuyelele.

Ihe okanona Jesus oka valelwa polweela, opo ka kale Omuwa gwOkrismesa gwaantu ayeheyehe yomeshito lyaHe Kalunga. Okanona okavalelwa puuyelele, opo ka monike nokumboka yaa nompito yokuthika moongulu dhuuyamba, oohepele naambayimbayi ayehe ngaashi aasita yiimuna.

Okanona oka valelwa moshigunda, opo ka uuvithe esimano lyaKalunga montaneho yaayehe nopamukalo gweifupipiko noshita nokuli.

Oomvalekele naayamba yethimbo ndiyaka oye ka dhini nokusheka, ihe aasita naapagani yokuzilo oye ya okwiinyongamena kuko noya shuna noomwenyo dhu udha ehambelelo sho ya mono Omuwa gwOkrismesa.

NomOkrismesa ndjika Jesus oku li nota kala Omuwa gwOkrismesa kaakulupe yoomvi, kakuluntu, kaagu-

ndjuka nokaanona ayehe; kutya, oye a valelwa aashitwa yaHe Kalunga ayehe kombanda yevi.

Omukulupe Simeon motempeli okwa tumbula: Omuwa, nena oto laleke ndje ihe omuntu gwoye ngaashi wa tile, oshoka omeho gandje oga mono ehupitho lyoye, we li longo montaneho yaantu ayehe, uuyelele okumunikila aapagani nesimano lyoshigwana shoye Israel.

Ngoye kuume, kuku, kaakandje, mOkrismesa ndjino owa tumbulile shike Omuwa, gwOkrismesa? Owa hambelele tuu nenge owa tumbula shono shi nondumbo nOmbimbeli?

Aasita oya kundathana: Tu yeni kuBetlehem, tse tu tale shoka sha ningwa ko. Tse nangoye otwa thikama tuu okuya kuBetlehem, nokutya, kongerki nokuhambelela Kalunga omolwetalaleko twe li longelwa?

Okanona Jesus oke ya nomOkrismesa ndjika ke tu m'nikile momilema dhomomagumbo, miilonga, moondunge nomokukala akuhe kwetu. Jesus Omuwa gwOkrismesa okwe ya e tu etele uuyelele methimbo ndika lyombili ya kana miigwana, nopokati kaashiinda naashiinda nosho pokati komunashilonga nomukwawo.

Omuwa gwOkrismesa okwe tu etele ombili, onkee tu thikameni tu imbeni:

Esimano lyaKalunga mokombanda nombili kombanda yevi maantu e ya hokwa!

Okrismesa nayi etele aaleshi ayehe yOmukwetu elago, ombili netegameno mOmuwa.

M. Amkongo.



Meme Rakel nokamati kaye.

EPANDULO

Okaamwameme aaholike muKristus.

One amuhe mboka mu li mOwambokavango nomevi lyUushimba, kuSoomi nopalwe wo, otandi mu pandula, sho mwa li mwa humbata ndje momagalikano nomagalikaneno geni aluhe omethimbondjedhililo lyandje. Onda shi dhimbulula wo, sho nda li nda mono omikummo odhindji nomatalaleko ogendji, pethimbo ndiyaka. Nopethimbo ndika wo onda nyanyudhwa komaminiko nomakundo goma-hambeleso mwe ga tumu kungame. Iyaloo sho omagalikano geni gu uvika, aamwameme.

Ethimbo ndiyaka olya li wo lye-silohenda okukala popepilela nOmuwa, nokutala nomeho gandje iilongankondo ye mpeyaka. Onke Omuwa nguka ta gamene okuyamo nokuzamo kwetu na hambelwe.

Kalunga tate ne mu yambekele okwaahulapo.

Otse, Noa, Mahanaim Ndeutapo naanona.

A HALA OMBILI MOKRISMESA

Omupapa Paul muRoma, okwa ingida meeradio nde a yandja elaka li ye akushe, a hala Okrismesa i danwe nombili kovanhu aveshe. Unene elaka okwe li tuma moilongo oyo ya kala noita yaVietnam kutya: Omafiku 40 ngeno naa longifwe moku-ngungumana nokudana oshivilo shedalo lOmulukili. Ovanhu ve limangulule efimbo olo momadiladilo oita neenhamanana nde va dane oshivilo shOkrismesa nOmudo Mupe nombili.

WAA PANDULA NOYAKA

Aalongi yomEtunda naanona yomEtunda otaa gandja ebandulo koo-yakwetu yamwe yokoKlein Windhoek. Oye tu yakula neyakulo enene.

Tangi unene ooyakwetu, elapi omizalo 7 1/2 nothewa nongodhi noombulukweya 2 noohema 2, oya thika nawa. Aanona yomEtunda otaa ti: Kulupeni nomeho, omayego Kalunga te mu taasinine.

Otse aalongi otatu ti ngeyi noohapu dhaJesus: Shono mwe shi ningile aashuushuka yomoshilongo shEtunda, oKalunga mwene mwa yakula. Otu shi shi sho mwe tu yakula komalutu, ngiika nokoomwenyo osho tuu.

Inamu tu dhimbwa, natse itatu mu dhimbwa nando okuli momagalikaneno.

Ev. Samuel Mateus Shiininge, Etunda.



Jesus okaume kounona aveshe. Ovo oudjona vaye nde a hala oku va twala meulu.

ESHIIVIFO

Menongelo lovayakuliongalo otamu ka ningwa Kalunga ngenge e shi hala, momudo 1967 oyoongalele ei ixupi:

- 15.2-28.2 Oshiongalele shovawiliki vovanyasha vomaongalo. (Ofuto omolu oikulya 60c.)
- 11.3-24.3 oshiongalele shovawiliki veengudumbibeli (60c)
- 26-30.3 oshiongalele shovalidiliki voikolwifa vokOukwanyama (30c)
- 1-4.4 oshiongalele shovanangeshefa (20c)
- 18-21.4 oshiongalele shovafita aveshe
- 20.6-5.7 oshiongalele shovawiliki vovungudu vovudiakoni (60c)
- 8.7-10.8 oshiongalele shovalumenhu shokukonakona Ombibeli (R 1.50)
- 12.8-14.9 oshiongalele shovakainhu shokukonakona Ombibeli (R 1.50)
- 29.9-10.10 oshiongalele shovakulukadi vovalongi veevikola doshiwana (50c)

15.10-30.11 oshoongalele shovakulukadi vovadiakonilongwa.

Oyoongalele ei aishe ya tumbulwa, otai ka hovetwa noxungi mefiku lotete loshoongalele.

V. Simojoki.

AAKULUKADHI NAAKADHONA LESHENI!

HANDWERKSKOOL: Oskola yiilonga yiikaha otayi tameke kOlukonda 24 Januari 1967. Aalongwa otaa humithwa komeho mokutunga oontungwa oombwanawa.

Aalongwa otaa pulwa ye ete iilya oolata 7, nomakaka olata 1, nomagadhi omashona.

Oskola otayi kala omumvo gumwe.

Tuminii ndje mbala ombapila yegongalo, nonzapo yoskola, ngele mu yi na. Uunona itau taambwa. Kalunga ne tu yambekele oskola ndjika.

Oniipa 9. 12. 1966

Helmi Haapanen.

OIPONGA

Omafiku aa opa kundanwa keembinga muSuidwes oiponga ya hooloka momakandomo oihauto. Ope na ovanhu va fya na vamwe va lemanekwa.

Opa hokololwa yo omukuluka-

di omutilyane a fya a hangika tandanisha. Vamwe va hokololwa va fya va wa keembete.

Oiponga nefyo ohai ende mokuhamonika nde to pulwa u kale wa pashuka aluhe.

OMUNA GWADAVID OTE YA MEDHINA LYOMUWA

Hosiana, Hosiana, Hosiana, Hosiana.

Hosiana Jesus Kristus na hambelwe ngu. Omuna gwaDavid nguka, Te ya medhina lyOmuwa

Hosiana Jesus Kristus na hambelwe ngu, Omuna gwaDavid nguka, te ya medhina lyOmuwa.

- Hosiana mokombanda, Hosiana, Hosiana.

Omuna gwaDavid nguka te ya medhina lyOmuwa.



Omuyengeli a holokele aasita nokwa ti: Inamu tila. Otandi mu uvithile enyanu enene. Onena omwa valehwa Omukulili Jesus Kristus.

HANDI MU HALELE OKRISMESA NOMUDO MUPE MUWA

Ovaleshi vOmu kwetu amushemu she naavo ihava lesa shito Omukwetu nde tave lishangifa omudo tau uya, naavo aveshe vehe udite ko manga ouwa wOmu kwetu, pamwe va fifikina manga nde tava ka papuduka komesho va ninge ovaleshi vOmu kwetu, osho yo ovamwameme nye amushu ovawambo novatilyane, OHANDI MU HALELE OKRISMESA IWA NOMUDO MUPE MUWA U YADI ONGENDA YAKALUNGA.

Fimbo Kalunga e tu tumine Omumangululi, oshali shaKrisimesa Jesus Kristus, nofimbo hatu pulwa tu mu tambule meemwenyo detu nehambelwe, onda hala ndi ku dimbulukife oshiponga shaHerodes, u shi agale.

Herodes, ponhele yokutambula okaana Jesus, okwe ka tonda. Jesus e uya nOkuHerodes yo ongOmuxupifi nOmumangululi waye, ndelene Herodes ine shi koneka. Okwa li a popipalifwa kusatana. Omatimba aye inaa dimwa po. Okwe linyonena Okrisimesa. Ponhele yeyambeko a likola e-tingo.

Ehokololo otali popi kutya, Herodes okwa konga moubudi okaana e ka dipae. Ina ka tala okaana ngovafita novanongo veenyofi. Ine ka tambula yo ngaashi Simeon. Ponhele yeshi okwa dipaifa muBetlehem nomikunda dopoushiinda ounona aveshe vanini. Okwa li e shi okwa dipaela mounona venya Jesus. Ponhele yokuhambelwe Kalunga oshali shaKrisimesa, okwa etifa ashike elilaano neenghali momikunda dinya.

Oshike sha landula ko? Manga Herodes ta tale moshivelo shimwe.

nani Kalunga okwa pitifa omona moshivelo shimwe shi lili. Eendunge daKalunga kadi fi eendunge domunhu, oku na oivelo neendjila dihapu tadi nyenge omunhu. Kalunga a tuma Omona kuEgipti. Herodes a kukuta nde efyo le mu hanga divadiva. Okwa fya efyo lomulikukutiki.

Otu na okupukuluka. Ngenge hatu kala mOkrisimesa twa fa Herodes, nena eyambeko itatu li mono. Inatu kala mo pandunge, pahalo nopaenghono detu. Inatu pingafana nehalo laKalunga. Elaka: "Omwa dalelwa Omukulili" nali ngingine meemwenyo detu. Tu tambule nehambelwe Omukulili ou twa dalelwa mOkrisimesa.

L. M. Shemuvalula,
Hamushanga wOmu kwetu.

OMUWA OYE EKWATHO LYANDJE

Iha lukilwa oye mwene ta luku.

Aamwameme, ondi na ehambelwe molwomaenditho gaKalunga. Onda kala nomukithi oomvula 3 sigo 4.

Onandjokwe oya kondjitha omukithi nguka gwandje. Omundoktola Jarno okwa ti kungame esiku limwe: Oto yi koshipangelo kOvenduka u ka mone ekwatho hwiwaka. Onda tala shika eihepeko lyowala, ondi lwete itandi aluka. Omundoktola a ti: Hwiwaka oku na omashina niilongitho yagwana. Oto ka mona ekwatho inda ngaa.

Molwe onda zimine ihe meme naamwandje inaa zimina ndi ye ko. Eti-12.11.1965 nda londo ekambamba pOniipa. Mekambamba nde ehame-

kwa komanukanuko galyo, ihe shonda ka londa eshina lyolutenda nda kala ihwepo.

Moshipangelo shOvenduka nda tandwa. Opwa li oonganga odhindji. Omihondjo dha aluka ihe pwa holo-ka onzindo ishewe. Onganga okwe yi fatula nopo nda aluka nawa ihe.

Ondi ipula: Otandi kamona ngaa Owambo? Nani nda thiki nookuli megumbo. Omuwa okwa ti: "Ino tila, onde ku kulila nonde ku ithana edhina lyoye ongoye ogwandje."

Sho tandi nyola ngeyi, unene omolwiinima iyali: Tango ebandulo lyomaenditho gaKalunga negameno lye. Lutiyali, omolwaamwameme ya humbata ndje momagalikano, ya tseye nkene nda pangwa. Omuwa na hambelwe, oshoka oye iha lukilwa, ota luku ye mwene.

Omukulupe
Paulus Shijagaja.

OMUBISHOFI EINARSSON WAICELAND

Londen. -Omubishofi Sigurbjörn Einarsson, omutwe wongerki onghwa-Luther mulceland, okwa talelapo England. Osha shiivifwa sha dja mobelewa yeenghundana dongerki mu-England.

Omubishofi Einarsson okwa popya oshipopiwa shaye eti-6 laDesemba muEngland. Oye oshilyo shongongahangano yovakwaLuther mounyuni kombinga yepashukilo lomalongelokalunga nomayakulo opakalunga nokukalamwenyo kwopamhepo.

OMHEPO

Ombelewa yokukonakona oukwatya womomhepo mOvenduka, otai tengeneke kutya oupyu uhapu ou u li paife muSuidwes otau twikile, ndelene otashi dulika pa holoke oikungulu inene moitukulwa youmbangalanhu wa-Suidwes.

Omuna Kalunga kaisrael na simanekwa, oshoka okwa talele po aantu ye.

OUNYUNI OTAU TONGO SHIKE

OMUKIFI WA TILIKA UNENE

Ounona vamwe vedule 16 ova fya nokuli na vahapu otava vele.

Okwa hokololwa muSuidwester weti- 23/11/66 kutya. oudu wounona womedimo (maagdermontsteking) o-wa tandavela mounona. Ounona vedule 16 ova fya nde vahapu otava hakulwa moihakulilo, unene mOvenduka.

Edidiliko lao omupanu tau hange okaana nde taka kwatwa koupyu unene. Omukifi ou ohau eta diva eflyo kounona ovo va kwatwa, ndele omunelao oyoo ta endebele a twale okaana koshihakulilo ngenge ka kwatwa koudou ou.

MuKarasburg onunona vedule vatano ova fya yo koudou ou. Moshihakulilo muNoordoewer onunona vedule 16 ova hakulwa koudou ou. O-vahakuli vopeenhele da tumbulwa otava kondjifa noupenda omukifi ou. Omukifi itau tongola oluvala lokaana.

Ovadali otava lombwelwa: Va pashukile oinima noidjalomwa ya nyatekwa komuveli va koshe nde va fulukife.

OFABULIKA YONYAMA YATRANSKEI OTAI HUMU

Johannesburg. - Oonkundana dha ziilila kuStandard Bank odho ndhika:

Anuwa ofabulika yonyama ya-Transkei muUmtata, oya tameke nookuli okutuma onyama yawo koondolopa dhokomunkulo gwefuta yi ka landithwe po. Osha talika olyo ehumokomeho tali etele Transkei omapeni ogendji.

Epangelo lyuunamapya lyawo o-lya tokola wo okutsika omiti odhindji dhiipilangi, opo ofabulika yawo yiipilangi yi kolekwe. Aashawana 4,500 ohaa longo mofabulika yiipilangi.

OSKOLA TAYI PUMBWA

Omumvo tagu ya, ope na omafaneko, kutya aalongwa yamwe aawambo taa ka ya ishewe koskola yuunamapya (Landbouskool) ndjoka yi li moRepublika.

Onawa ngele aakwashigwana taa putudhwa nomoshinima shika shondilo. Osho omalongo galwe goondunge otaga pumbiwe, oshoka ogo haga egulula ondjila yehepuluko lyaantu. Tatu galikana Kalunga e tu egululile nawa oompito dhomalonga gomaludhi.

OKEFE YAALUUDHE YA DHILADHILWA OKUTOTWA MOVENDUKA

Opa fanekwa moshilando shOvenduka, ano mondolopa halukanda, mutungwe okefe yokuyakula aaluudhe. limaliwa ya popiwa okutungitha etungo lyokefe R8,000. Aaluudhe sho haa kala yu udha mondolopa yategelela oombesa noostora, otaa vulu ya kale haa yakulwa moka.

DR. VERWOERD A FIMANEKWA MEESHITAMBA

Okudja efiku 6 laDesemba neudo, omushamane Dr. Verwoerd okwa fimanekwa meeshitamba, hano efano laye lanyanyangidilwa meeshitamba do-pooa. Eeshitamba odi li nhatu ya 2 1/2c, 3c na 12 1/2c.

Eeshitamba edi otadi landifwa meeposa adishe moRepublika mefimbbo ngeno leehani nhatu pamalandulafano eepooa.

OILONGA YOMATUNGO ENGERKI OYA ENDA NAWA

Omaongalo e lili noku lili mOwambo, okwa kala e lipyakidila nomatungo eengerki. Fiyo opapa inaku kundandwa oiponga inene ngeno moilonga ei, ngaashi hashi holoka luhapu pomatungo.

Petungo longerki yokuKongomoushilo wOukwanyama, umwe okwa dengelwe momutwe koshikonde nde a mona ombole iha tya shoo. Eshi a hakulwa okwa veluka nawa.

EILIKANO LA NINGWA MUSALISBURY

Ovanhu ve dule 300 vomomaludi aeshe novomeengerki domaitavelo e lili nae lili, ova indila kumwe omafiku aa a dja ko.

Ova indila palombwelo ladja eshi kwa udika kutya omushamane Jan Smit vo na Harald Wilson otava ka shakena va tokole oshimbide shi li pokati kavu. Ovapangeli ava ova shakena muGibraltar nde omo va kundafanena.

ONDJOVO OYA NINGA OLUTU

Ondjovo oya ninga olutu nde tai kala mokati ketu. Ndele fye otwa tala evadimo laYe, evadimo ngaashi olewifa laXe, e yadi efilonghenda no-shili. Joh. 1:14.

EWI

LYEVANGELI

MORADIO

Esiku 18. 12. 66

Omaimbilo rehokololo Aanona yomEngela nevuitho D. Shihepo.

Esiku 25. 12. 66

Elaka lyOkrismesa

Efraim Angula

Toivo Ndevaetela



VAVALI VA EHAMEKWA

Lorenzo Marques. - Ovalumenhu vavali ova ehamekwa nai neliko lihapu ola hepa. Eshi osha ningwa omashina avali e lidenga mumwe pomashendjelo omashina moshilando Lorenzo Marques. Eshina limwe ola kandoma.

Ookadimamundilo ova kala tava dimi omundilo, shaashi eshina limwe la li nofulaha yomahooli ola xwama. Ava va ehamekwa ova twalwa moshipangelo ve li kokalingodi. Omalenga olutenda lomoshilando omo okwa ti, oshiponga sha fa eshi inave shi mona nale sha ningwa puvo.

OLUKANDA LIKULU LAVENDUKA

Epangelo lOvenduka ola tokola paife ovanhu ovo ve li molukanda likulu va tembukile kolukanda lipe Katutura.

Epangelo lOvenduka ola heka nde la kondjifa nale ovanhu va tembuke, ndele inashi eta sha unene. Paife ne etokolo olakwata monghama kutya otashi ka ningwa.

Omatokolo okwa kolekwa komukulunhu wOvenduka (burgemeester), omushamane Labuschagne nokodokotola J. A. Oosthuysen nokuhamushanga wodolopa omushamane Arnold, eshi va li moshongalele tashi likundu oinima ei.

OSKEPA YA NINGINA KOSHIPONGA

Oskepa yedhina Souli, yeetona 12, 723 yokuLiberia, oye lingwadjula muuikwao yoilonga yeeshi. Ei yeeshi oya teka nde ya ningina momeva. Ovanhu vayo vatatu ova xupifwa meflyo nde 10 inava monika.

Oskepa ikwao Souli oya mona oshiponga kanini ndele oya twikila ondjila yayo kuDurban. Eshi osha ni-nwa popepi naEast Londen.



*Oongundu dhomegulu otadhi Mu simaneke.
Tse wo tu Mu simanekeni.*

Tu pandekeleni Omwene eimbilo letu Novaengeli tu tye: Efimano laXe meulu nokombada yedu. Natu mu twileni eengolo Ohamba.

OJesus Ondjovo we tu dalelwa atushe, wa ninga ombelela twa kulilwa. Hambelelwa nde fimanekwa alushe. Natu mu twileni eengolo Ohamba.

Uusita wOmuwa

Eps. 23.

Omuwa oye omusita gwandje inandi pumbwa sha. Oye ta gondjithile ndje mondombe ontalala, eta fala ndje komeya geveluluko.

Omwenyo gwandje ote gu talaleke. Ote enditha ndje nondjila yu uka, omolwedhina lye.

Nonando ndi nokweenda mesilu lyomilema, ihe tila oshiponga, oshoka ongoye wa kala pungame. Ondhimbo yo ye nolwoondje lwoye halu nyanyudha ndje.

Endelela ngendjo tayi ti:
Ku netango ndi lya yela ndi eyapuki,
Ku netango ndi lya yela ndi eyapuki.

Ku nomupongo ngu a kulupa,
Nokanona taka kongo ko iipalutha,
Nokanona taka kongo ko iipalutha.

GALIKANENI NE MU TONATE

Omukriste pethimbo ndika oto tegelelwa u kale wa tonata nokukala megalikano. U galikane waa na ezimbuko. Otu li pethimbo lyombepo ondhigu lyiikungulu yomaludhi. Omuwa ota tegelele ewi lwoye lyegalikano negalikaneno. Mat.26:14.

Kaleni mwa tonata mwaa pwile momamakelo. Ombepo oya hala, ihe onyama onkundi. Jesus a ti: Muuyuni omu li mo nuudhigu, ihe kaleni nomwenyo omwaanawa, oshoka onda sindi uyuni. Joh.16:33. Ngoka ta dhana Okrimesa megalikano, oye te yi dhaneka.

J. lindongo.

OSHINYANYANGIDHO NOSTORA YOMAMBO

otayi pandula elongelokumwe lyaayehe mboka twa yakulathana nawa numvo, notayi ya halele

OKRISMESA OMBWANAWA NOMUMVO
OMUPE GU NEYAMBEKO.

AALESHI TAA NYOLA

Daniel Iimalua, Elim, ota ti ngeyi: Ngele aadiakoni mboka ya ningi omimvo taa longwa taa ka pita, onda hala tu ya faleni koshipala shOmuwa momagalikano getweni. Ndi shi oyo yotango mongerki yetu taa yapulilwa iilonga yeyakulo? Tu ya humbate nomagalikano, opo ya pe-we oshihako kOmbepo Ondjapuki. Ombepo ye mwene e ya pithe noku ya gwanene.

Iimalua okwa ti: Egumbo kehe nali kale li na okangulu kokuyilwa kondje, ano okashaishe. Ndi shi ohatu pangwa uupuka, ihe nando tau pangwa itau pu po moshigwana? Oshoka okuya pelundu iimuna tayi lya-ta omakelo nuupuka tau etelelwa momeya, unene omeya moka iimuna hayi inwine.

Okandjugo otaka kwatha wo, twaa kele puuyelee ngiinamwenyo, ihe tu holame ngaa. Ngoka ta alukwa oshipwasha, ota yakulwa nawa kokandjugo shivule nge ta matukile melundu nenge konima yoshizimba nenge yoshaale. A, tu pendukeni.

Andreas Hamukuaja, Otjiwarongo, ota ti: Nguka iho lesa Omukwetu, owa thigwa konima kokulekule. Omukwetu ote ku gwedhele oonkondo dhokulesha Ombimbeli yoyene.

Mikael Filemon, Ogongo, ota kundile po aaleshi yOmukwetu ngeyi: Kalathaneni mu na uukuume. Silathaneni ohenda nokudhimitathana po oondjo, ngashika Kalunga he mu dhimine po oondjo muKristus. Ino dhimbwa okwiimemeha nokupandula mokukala kwoye. Oto ka mona nkene shi na ondjambi onene. Ef. 4:32.

Stefanus Haimbodi, Omundaungilo, ota ti ngaha: Ovakwetu, inatu langata nounyuni, osheshi nge hatu shi ningi, nao otau tu dedaula. Ounyunyuni oo ekokotenge, nande li lya ito li mane po.

David Esar, Luderitz, okwe tu pe tu leshe Rom. 12:9-21. Okwa ti wo: Inatu kala tu na iimpwiyu oyindji mOkrimesa. Tu kwateni muKristus ngoka Okrimesa lela.

“OMUKWETU” oha zi mOniipa- Omukuluntu gwoshifo /Hoofredakteur: Omumbisofi Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangua. -Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangua. -Moka hashi nyanyangidwa: FINSE SENDINGDRUKERY, OVAMBOLAND, S. W. A.